

蜀上停雲雅
同涉人唱和詩集
集雅



同人唱和詩集

黃丕烈編

中華書局

同人唱和詩集

此據士禮居叢書
本排印初編各叢
書僅有此本

壬午新正同人唱和詩。義夫取以付梓。俾一時嘉會流傳不朽。大賢高致。固非世俗之見所能窺其萬一也。惟拙作有因注始明者。如敢向同年說同館二句。據華與予壬子同舉鄉榜。壬戌大魁。予忝翰林教習。鶴人出桂文敏門下。戊辰廷試。予忝讀卷。爲霖自養東山望。謂竹堂前輩愛日常殷北闕情。予與鶴人先後告養。稽古人尊少傅桓。竹堂曾入直上書房。附識于此。庶後之覽者。藉資考證云。

道光甲申立秋日潘世恩書

昨日草草杯盤。而情話頗暢。想弟亦同此情也。所要四元詩錄上查收。侍萱春波卷題訖。奉繳。祈轉致。順候。卽佳。不具。

韞玉頓

夢境圖唱和詩集小引

夫天下事皆夢境也。然夢境必有實事以生之。如修志實事也。修志有竹堂芝軒兩先生實事也。予忝隨兩先生後實事也。乃忽遇諸夢境。則全乎虛矣。然明明有詩句意。又可解不可解。似非無因而至者。安知夢境之必有實事邪。予喜徵夢。因刻夢境圖倡和詩爲第一集。道光四年甲申季夏月望日。龔夫識。

夢境圖唱和詩集

道光辛巳夏，郡有修志之舉。石竹堂潘芝軒兩先生實主其事。余以忝與纂修之列，因訪書赴琴川。於八月二十一日泊舟常熟西門之倉前。天未明時，夢見一空曠之所，竹堂芝軒身凭一石几，對坐二鼓磬，作談詩狀。余自外入，但聞七字句云：不使閒情管落花。寤後足成七絕一首，及歸再用句中平韻衍之，復得二首。竊思我三人幼學相隨，壯行各異，今以郡志事得陪兩先生後，未始非文字因緣也。爰乞屬和，第一首韻并繪圖紀事，以誌一時佳話云。

黃丕烈

一葉扁舟滯水涯，忽然有夢已還家。夢中記得良朋話，不使閒情管落花。笑而不答心自閒，流水桃花別有天。欲索解人真不易，三神山著雨飛仙。閒花落地聽無聲，聽入閒人倍有情。金馬玉堂非我分，自耽風月闔閭城。

闔閭城，卽用閒花句詩本事。

和復翁述夢詩韻

石韞玉

欲從道岸問津涯，試訪周官掌夢家。留得一雙清淨眼，世間諸相總空華。萬卷橫陳詠聖涯，此中自有大方家。飄茵墜溷原無定，一種人心護落花。我生有盡願無涯，敢道文章是一家。近爲姑蘇志人物，又攜枯管祝開花。

蘇圃二兄夢予與竹堂前輩對坐吟詩，有不使閒情管落花之句，寤後足成一絕，繪圖見示，奉和第

一首元韻呈正。

二

潘世恩

不向山巔便水涯。琴川一棹擬浮家。無端拾得清新句。知是江郎夢筆花。玉海探奇無際涯。者番詩思落誰家。似邀金谷園中客。同看河陽縣裏花。追尋情景向天涯。付與煙雲草畢家。我欲相攜重入畫。西牕圍坐翦燈花。

吳雲

夢境荒唐詎有涯。千頭萬緒各尋家。先生夜抱殘書宿。寒蝶秋深苦戀花。夢裏尋詩水一涯。清吟恍惚出方家。江東才子郊祁侶。未得無情賦落花。

陳廷桂

吳廷琛

閩閩城外卽天涯。夢裏停機忽到家。二士共談誰悟得。詩情禪意笑拈花。河陽春色浩無涯。海上蓉城別有家。若許閒情來管領。看花要著正開花。茵溷飄零各有涯。返魂無術問仙家。落時要管如何管。一覺梨雲夢裏花。殘月孤篷倚水涯。華胥一枕列仙家。元言秘旨無文字。悄聽清談妙粲花。千頃汪洋未有涯。擁書環坐鄰侯家。頭銜博得郎官宿。肯種河陽一縣花。

吳信中

茸城蟬蠹作生涯。風壑雲泉夢裏家。擬與先生叩禪悅。聞根無隱證空花。

蔣寅

不爲尋詩泊水涯。夢中清境似仙家。偏疑二士談宗別。月露秋涼咏落花。

詩思禪心合兩涯。空山落葉是專家。左司近掌巫陽夢。郡學在蘇州祠。祈夢韓愈。爲問優曇可著花。

我昔孤蓬天一涯。孤蓬五字。乃丙寅歲奉和蜀社中句也。旅魂時夢到君家。而今自覺詩情減。輸與神仙頃刻花。

張吉安

月色空朦水一涯。楊枝搖夢落誰家。清新詩句懸然得。文字因緣知慧花。
潘江才並海無涯。剪燭頻煩到石家。江夏多情圖主客。圓成詩夢筆生花。
知也無涯生有涯。年來泛宅水爲家。心空及第談何易。我是人間墜瀾花。
紅日博桑照海涯。雲蒸五色列仙家。夢回合與癡人說。一帶隨身墮落花。
誰從煙海問津涯。復見心翁鑒賞家。莫被虞山瞞過了。絳雲萬卷亦空花。
著述千春詎有涯。攬摭佛苑與仙家。文章事業須公等。剩我閒情管落花。志局內分得方外。

尤興詩

琴川濱海渺無涯。尋得仙源處處家。說夢說詩如說法。夢回天雨一天花。
浩蕩春光未有涯。剡鄒春去屬誰家。天香國色君何讓。一枕黃粱一樣花。

飄然一葉水雲涯。夜半尋詩夢到家。家有藏書三萬軸。獨留隻眼不昏花。

彭希鄭

夢境迷離詎有涯。天然好句屬詩家。眼前領袖羣仙客。只是人間頃刻花。未問山巔與水涯。神遊應到廣寒家。試聽雛鳳新聲吐。已兆芙蓉鏡下花。

湯達

擁書萬軸是生涯。著述如君有幾家。夢裏吟詩詩亦幻。羅浮深處有梅花。

不分地角與天涯。同是師門沆瀣家。君負盛名早退隱。讓人京洛看名花。

蔣國與余同戊申榜。蔣圖名列第三。座師胡兼堂先生以大魁期許。乃禮闈

數上。挑取一修。加捐主政分部告歸。其浮雲之祝。即耶黃樂耶。

生也無涯夢有涯。書爲城郭水爲家。題籤盡是扶輪手。喬木叢中看野花。

卷中題咏。有鴻公鉅卿大封翁四跋。撰。暨諸先輩名句。余不文忝綴紙

尾。故

翠川飄渺瀕無涯。爲訪詩人近各家。夢有奇緣徵瑞應。芝蘭開遍吉祥花。

藝圃幼嗣暨諸孫皆頌聲。龍詩。厚福正自無涯。

狀元會唱和詩集小引

客有見予夢境圖唱和詩者曰。子殆不忘情于狀元。故假諸夢耳。卽真有是夢。亦戀戀于功名富貴。故形諸夢想。殊不知予之夢。其因在閑談詩也。詩之教徹乎上下。談詩者爲狀元。遂謂有功名富貴氣乎。不然也。國家功令所注。凡入仕必科第。人不學舉業則已。如學焉。誰不思爲狀元者。必以狀元爲功名富貴中人。而非我輩所願爲此。不願爲之心。出諸山林隱逸之士則可。如我輩斷不宜作此違心之論也。狀元何浼我乎哉。予知有詩而已。因刻狀元會唱和詩爲第二集。道光四年甲申季夏月望日。羹夫識。

狀元會唱和詩集

新正邀潘芝軒、吳棣華、吳藹人三狀元山齋小集，卽事成篇。

歲篇初更百事安，閑尋蔬筍薦春盤。竹中開徑迎三益，林下逢人有二難。梅解衝寒花信早，雪方獻瑞酒

清真。偶然觴詠成嘉會，賦興同心興未闌。並是中朝侍從官，一時鄉里暫盤桓。風清北道方持節，樣平將赴濟河道之任。日永南陔正采蘭。五畝竹松甘日老，三杯椒酒醉成歡。行藏各盡平生事，留取芳華後進看。

芝軒作

三年一第只尋常，況是三吳第一鄉。容易蓬山叨接席，最難梓里話聯床。天教我輩成嘉會，人說羣仙在

此中。卜夜不須重洗盞，恐驚奎壁動光芒。大賢經濟冠羣英，衣鉢深慙品盛名。敢向同年說同館，却欣門下見門生。爲霖自養東山望，愛日常殷北

闕情。漢世治平誰第一，襄帷到處定歡迎。華棣

芝軒和竹堂作
雲水閑情到處安，況逢舊雨話辛盤。田園歸後追陪易，旌節移來會合難。老樹著花詩筆健，清言霏屑酒

文章屈宋作衙官，稽古人尊少傅桓。驛路剛逢煙外柳，陔庭喜兆夢中蘭。歌成白雪聯吟暢，案有梅花接座歡。不獨粉榆添故事，瀛洲留得畫圖看。

竹堂和芝軒作

尚書地望本非常，四海欽遲況一鄉。却喜二豪曾入室，襟華藏人皆芝軒門下士不辭三友共連牀。杯盤偶設慙粗糲，車騎同來過草堂。計日杏花消息近，戴簷星可見精芒。

我有嘉賓集衆英，世人未免重科名。盍簪禮在山林簡，揚鱗春隨笑語生。輦下看花追昔款，路歧折柳見今情。一篇咏就高軒過，巷曲蓬門堵雪迎。

棣華和作


整解行裝住未安，已聞獻歲荐辛盤。勞生哀樂催年易，浮世功名息影難。水木清蒼亭榭古，壺觴真率禮儀寬。盍簪無意成佳話，雪壓梅梢酒未闌。勇退無心戀熱官，詩壇酒社尙桓桓。把麾早折燕臺柳，綬佩同分楚曉蘭。禁漏三傳猶破夢，宮袍一品快承歡。人間此會論今古，繪取新圖異日看。鴻迹東西本不常，年來頻喜過家鄉。科名分合春秋榜，位業高低上下牀。雅集試開聽雪戶，新詩爭賦聚星堂。十分一盞神先旺，銀海何愁眩電芒。

記從芸館仰培英，拙宦空成一第名。扶漢分章真學士，輕裘緩帶舊書生。蓬山挂辭前塵夢，粉社扶輪此

日。璧。廟。情。羣。仙。作。高。會。枉。他。候。吏。遠。探。迎。

謫人和作

別墅東山老謝安。招邀勝日對椒盤。門庭似水賓無雜。詩句疑仙和最難。越釀三升經臘勁。蕭齋十笏占春寬。天公爲助林亭賞。飛雪漫空勢未闌。璧府圖書禁近官。騷壇此日會躬桓。一枝紅剗尙書杏。九畹香分楚客蘭。衣鉢科名叨末座。觥罍里社奉清歡。廿年四榜初枕在。同向芙蓉鏡裏看。仙班接武舊官常。難得齊裾聚故鄉。促席深談添酒盞。圍爐宴坐擁書牀。花間艷雪疑瓊杵。天上春風望玉堂。手拂蠻牋搖彩筆。夜看珠斗動星芒。講解深慙侍邇英。傳家芸館記科名。看花兩姓俱同榜。采藻三吳說後生。香火因緣迦葉座。蓬萊延望伯牙情。蘭陔日永春將到。定有仙人駕鹿迎。



虎丘詩唱和詩集

虎丘雜詩十四首

并引

潘奕崗 榕皋

蘇城西北虎丘山者。秀挺單椒。體包羣壑。寺宇丹絢。林亭翠交。危磴平闕。延囑引步。嚶聲天采。聞發亂飛。春秋皆有可觀。晴晦迭呈。變態洵四方。人士遊覽畢集之地。亦一邦英彥吟眺不厭之區也。爰有三泖詩翁。停棹振響。沿園詞客。授簡繼聲。僕也掩關逃暑。素居渺歡。愜盡粹於素心。慕投桃之高誼。喜生見獵。醜忘效顰。况夫批風抹月。本是弱齡遊釣之鄉。兼之振笛彈絲。不少上客唱酬之日。登高能賦。兩美不礙殊姿。卽事多欣。同調何妨異撰。書成拉雜。合新愁舊恨。以齊官體。仿謠諠。彙昔款今情而竝寫。慙技道之不兼進。按宮商而弗克諧。難希子夜新歌。或作獸山故事云爾。

亭榭高低樹淺深。偶移短棹散幽襟。乍看新綠叢祠掩。又聽鳴蜩灌木陰。
春風童冠集山塘。破曉來登選佛場。老輩幾人還健在。花時拄策玉蘭房。

昔年山後玉蘭花開。先祖開齋公時。僧客多曉。常命追隨。破曉來登選佛場。先驅詩句也。

桐帽棕輦雪鬢髭。山光明媚水拖藍。小航遊客今如織。誰說詩人汪顓三。

禮泉汪顓三先生名俊號山樵。與先祖爲詩友。同遊山塘。有小航怡受無多客之句。

一片冰心託曉霞。澹香詩筆最清華。青衫客子頭全白。何處重尋處士家。

布衣梅澹香居青山橋。一片冰心託曉霞。澹香詠庭前紅梅詩句也。

泉清亭古氣蕭森。汪老詩篇呂老琴。今日挈朋來避暑。荒坵苦合一蟲吟。
三泉亭他最幽寂。汪老在愛庵先生。避暑石室。有石老汪老問答詩寫景。

七子才名海內馳。山塘傳唱柳枝詞。靈光一老風流劇。來倚紅闌賦小詩。
沈歸愚宗伯選七子詩。王述齋同選其一人也。集中山塘柳枝詞。傳誦於世。今來白祠。賦虎丘。即事二十六首。遍貽同人。

招呼閒侶訪毛公。謝客幽探興未窮。話到龍湫詫奇絕。布帆準擬挂秋風。
談雅蕩之勝。訂余入秋同游。白祠。拉王學廉仲。同遊洞窟。偶

老手從來便劇郡。老手便劇郡。東坡句也。移家真箇賦閒居。漫吟漁火江楓句。嫺寄雲龍隱者書。
張雪橋觀察自西谷移寓虎丘。去詞數武。余來山塘。常語謂其地。今松雲守徐州。雲橋移居楓橋矣。白公祠奉祀香山。自李松雲太守致其論。

溪山勝處月如銀。圖鴨闌空碧草新。畫舫明朝還夜夜。尊前願曲是何人。
溪山勝處。盛竹軒刺史別業。甫里祠。陸贄齊建中有圖鴨闌諸勝。昔與簡齋。張榜。燕園。京洲。鴨林於斯。今日過之。不覺黃公酒壚之感。

五戒誰能認後身。山房不見寫經人。閒繙祕篋消長日。要向三生結淨因。
半塘范詒山房。藏元僧素綱三世。書華嚴經。乾隆乙卯春。與西莊。子同觀。題名卷尾。

搖碧春晴水潑油。蘭前花影漾簾鉤。何當閒喚同袍子。擊鉢飛牋續舊遊。
盤遠村別業臨河。白公祠爲云美。塔影同處址。

云美遺蹤渺不存。延來吟客寄吟魂。溪山風月誰爲主。贏得名留塔影園。
塔影同處址。錫山泰嶽寓千人石下。善山水。海燕亭邊燕子飛。簾幕上草菲菲。丹青頗憶秦楊柳。小閣山腰冷夕暉。尤工寫柳。時人呼爲秦楊柳云。